

**Perdana Menteri Lancar Institut Teknologi Antarabangsa Malaysia-Jepun
Bernama
21 Mei, 2012**

KUALA LUMPUR, 21 Mei (Bernama) -- Perdana Menteri Datuk Seri Najib Tun Razak dijadual melancarkan Institut Teknologi Antarabangsa Malaysia-Jepun (MJIIT) di sini, 1 Jun ini.

Duta Jepun ke Malaysia Shigeru Nakamura berkata MJIIT yang terletak di kampus antarabangsa Universiti Teknologi Malaysia di Jalan Semarak di sini, menawarkan empat program ijazah dan lepasan ijazah kepada penuntut Malaysia.

Program itu ialah Kejuruteraan Sistem Elektronik, Kejuruteraan Mekanikal Kejituan, Teknologi Hijau dan Alam Sekitar serta Pengurusan Teknologi dan Perniagaan.

"MJIIT memulakan sesinya pada September tahun lepas dengan kemasukan 100 pelajar. Enam profesor Jepun kini sedang mengajar di institut berkenaan dan dalam masa dua atau tiga tahun, kami bercadang untuk mempunyai lebih 30 lagi profesor Jepun untuk mengajar di MJIIT," katanya semasa taklimat media di kediamannya di sini.

MJIIT ialah sebuah institusi akademik yang ditubuhkan di bawah Universiti Teknologi Malaysia bagi memperkenalkan pendidikan kejuruteraan Jepun berdasarkan perjanjian antara ketua negara dari Jepun dan Malaysia pada April 2010 manakala projek itu telah diluluskan pada Mei 2010.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=667649>